



झजलपा वाऱ्वा

JWOJALAPA NEPALBHASKAR WEEKLY

दैं: ६ ल्या: १५ पूर्णाङ्क: ६७

ने. सं. ११३५ कौलाश्व त्रयोदश आइतवा:

२०७२ कार्तिक ८ गते आइतवार (Oct- 25, 2015)

मू: ५/- (न्यातका)

जनताया आधारभूत समस्या मोहनि लिपा नं यथावत नेतात धाःसा पदया नितिं लगातार निर्वाचनय्



ज्वजलपा वा:पौ/

देशय् पेट्रोलियम पदार्थ मदया, जा थुइगु ग्याँस मदया जनजीवन भन भन कष्टकर जुजु वनाच्वंगु दु। स्वनिगलय् मन्तयगु चहलपहल मोहनि नखः लिपा नं खास हे खने दयाच्वंगु मदु। कारण धइगु पेट्रोलिय पदार्थनिसें ग्याँस मदया खः।

मन्त उखे थुखे वनेत यातायातया समस्या अले छैय् छैय् जा थुया नयेगु नितिं ग्याँसया समस्या। यदि थुगु हे कथं ग्याँसया समस्या मेगु वा: तक नं जुल धा:सा बजारय् न्याना नयेगु वजि

जनजाति व मधेसीया मिखाय् अपवित्र गठबन्धन

नहापा राज्यपक्ष थःपिलिसे या:गु सहमति सम्झौतायात कार्यान्वयन यायेमा:गु मागयात सम्बोधन मयासे न्हूगु संविधान जारी यात धका: असन्तुष्ट जुया आन्दोलन यानाच्वंगु मधेसी मोर्चा व जनजातितयगु मोर्चा आ:या ओली सरकार धइगु वास्तवय् अपवित्र गठबन्धन खः धका: ठहर या:गु दु।

नहापा पहिचान सहितया संघीयताया पक्षय् नापं आदिवासी जनजाति, मधेसी व उत्पीडित समुदायया पक्षय् दुगु एकीकृत माओवादी, भौगोलिक पहिचान पक्षधर एमाले, संघीयताया विरोधी जनमोर्चा नेपाल, पहिचान विरोधी नेपाल मजदुर किसान पार्टीनिसें संवैधानिक राजतन्त्रया पक्षय् दुगु

राप्रपा नेपाल तकया गठबन्धन धइगु वास्तवय् अपवित्र गठबन्धन हे खः धका: छम्ह जनजातिया नेता ज्वजलपा वा:पौलिसे खँल्लासैं धयादीगु दु।

उकिं आ: मोहनि नखः क्वचायेवं वर्तमान ओली सरकारयात तकं धक्का लाइगु कथंया आन्दोलन यायेगु तयारी मधेसी नेतात नापं जनजातितयसं यानाच्वंगु दु धका: नं जनजातिया छम्ह नेता कनादीगु दु। अले लिपांगु इलय् वया मधेसी मोर्चा व जनजातितयगु मोर्चाया दथुइ सहकार्य याना वनेगु गृहकार्य नं जुयाच्वंगु वय्कलं जानकारी वियादिल।

एमाले, अथे हे सत्ता साभेदारी दल एकीकृत माओवादी, राप्रपा नेपालनिसें थीथी राजनीतिक प्रक्रियाय् वंगु दु।

उखे प्रमुख प्रतिपक्ष दल नेपाली कांग्रेस नं थःगु हे कथंया तयारी या:गु दु। कांग्रेस थीथी राजनीतिक दलतलिसें नं सहलह व्याकी धा:गु दु। छुं दिं न्हय: जक सभामुख व उपसभामुखया बहुमतिय प्रक्रियापाखें ल्ययेगु ज्या या:गु खःसा सत्तारुढ पक्षयापाखें एकीकृत माओवादीया ओनसारी घर्तिमगर सभामुख निर्विरोध निर्वाचित जुयादीगु खःसा अथे हे राप्रपा नेपालया नेता गंगाप्रसाद यादव उपसभामुख जुयादीगु खः।

उकिं लिपांगु इलय् वया निर्वाचन व पदया नितिं हे प्रमुख दलया नेतात क्रियाशिल जुयाच्वंगु दु तर जनताया समस्यात कया धा:सा मा:गु कथं चासो तयेगु ज्या मया: धका: सर्वसाधारण मन्तयसं धायेगु यानाह:गु दु।

नेपा:या राष्ट्रिय सम्बत नापं मौलिक सम्बत

नेपाल संवत् ११३६ न्हूदैं व स्वन्ति नखःया भित्तुनाया नितिं लुमंकादिसैं

तपाईंको टोलमा भएका घटना कीर्तिपुरको समाचार बनाउने हो भने तपाईं एक कल फोन गर्नुस् हामी तपाईंको टोलको समाचार कीर्तिपुरको समाचार बनाईदिनेछौं

कीर्तिपुरको
चित्रण



ज्वजलपा वा:पतिइ छिगू चिनाखैं/बाखैं/हाइकू विज्ञापन व मेमेगु च्वसू पिथनेगु जूसा जिमित स्वापू तयादिसैं

सकलसिगु मंका: स:



झजलपा वाऱ्वा

किपुलिं पिदनाच्वंगु कीर्तिपुर सन्देश वा:पौ व ज्वजलपा: वा:पौया ग्राहक जुइगु नितिं स्वापू तयादिसैं

कार्यालय: निखासी टोल: कीर्तिपुर नपा-३
फोन नं.: ४३३३००७, ९८४९४०९०७७

ज्याकू: निखासी त्वा: किपू नपा-३ फोन ल्या: ४३३३००७,
९८४९७६५९४३ ई-मेल : jwojalapaweekly@gmail.com



झजलपा वाऱ्पो

सल्लाहकार

श्रीकृष्ण महर्जन

प्रकाशक:

नजरराम महर्जन

सम्पादक

श्रीकृष्ण तण्डुकार

ले-आउट:

ज्वजलपा डेस्कटप

संवाददाता

भरत महर्जन, निरजमान सिंह

थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweekly@gmail.com

सम्पादकिय

सरकारयात पूर्णता गबले ?

एमालेया अध्यक्ष केपी शर्मा ओलीया नेतृत्वया सरकारयात आ: तक नं पूर्णता विइ फयाच्वंगु अवस्था मदु । मोहन नख: असोज २४ गते ओली प्रधानमन्त्री निर्वाचित जुयादीगु थ्यंमथ्यं वा:छि दये धुंकूगु अवस्थाय् नं मन्त्रिमण्डलयात पूर्णता विइगु ज्या जूगु मदुनि ।

विशेष याना एमालेपाखें मन्त्री जुइपनिगु धल: हे तयार याये मफया अथे मन्त्रिमण्डलयात पूर्णता विइ मफयाच्वंगु ख: । एमालेपाखें फुक्क मन्त्री जुइपिं ल्यये न्ह्य: हे उपप्रधानमन्त्रीया रुपय् राप्रपा नेपालया कमल थापा, फोरम लोकतान्त्रिकया विजय गच्छेदार व एकीकृत माओवादीया तोपबहादुर रायमाभी नं जुयादीगु दु । थुगु ल्याखं मन्त्रीमण्डलयात पूर्णता विइ न्ह्य: हे स्वम्ह उपप्रधानमन्त्री दये धुंकूगु दुसा अथे हे एमालेपाखें नं छम्ह उपप्रधानमन्त्री तइगु निश्चित दु । अथे हे नेकपा मालेया महासचिव सिपी मैनाली नापं राष्ट्रिय जनमोर्चाया नेता चित्रबहादुर केसी नं उपप्रधानमन्त्रीया दावी यानाचवनादीगु दु ।

थुगु ल्याखं स्वल धा:सा आ: ओली सरकारया खुम्ह उपप्रधानमन्त्री दइगु संभावना अप्वया वंगु दु । यदि खुम्ह उपप्रधानमन्त्री दत धा:सा आ: तकया दुने दस्ले अप्व: उपप्रधानमन्त्री दुगु सरकारया रुपय् रेकर्ड जुइगु अवस्था दु । थुगु कथं सरकारया खेल जुयाच्वंगु अले मन्त्रिपरिषद्दायत तक पूर्णता विइ मफयाच्वंगुलिं आ: दलत सत्ताया नितिं जक न्ह्या: वन धका: सर्वसाधारण मनूतयसं तायेका ह:गु दु । नेतातयसं इलय् हे विचा: याये मफत धा:सा जनतात भन भन निराश जुइफु ।

मुक्तक ज्ञानीराजया

पालंपा: पा:ब्व ल: ल्हा काय नु
ख्वालय् च्वंगु न्हाय प्यनय छुइ नु
लाज पचे यायत लाज हे मदु भीके
पार्टी सकलें मुना रावण राज हय नु ।

सत्ताया नितिं राजनीति याय द:सा गात
न्ह्याथे याना नं थ: मनु मेचय् त:सा गात
समस्याया भ्या भचा हे च्यूता मरुपिं
कासी बना जय शम्भे हाले द:सा गात ॥



राज्य गलत समाधानया लंपुइ



-सानुराजा शाक्य-

थ्व सरकारयात छु विशेषण विइगु वहसया विषय जुइफु । गुलिसिनं गिरिजाप्रसाद कोइरालां अठचालीस सालय् धा:गु माले मण्डले मसाले छम्ह हे ख: धा:गु धापू भलभल लुमंका: थ्व सरकारं प्रमाणित यात धका: धयाच्वंगु दु ।

गुलिसितं थ्व अपवित्र गठबन्धन ख: धका: धायेफु । आन्दोलनकारीत जक मखु कि आन्दोलनकारी जनयुद्धकारी व आन्दोलनकारी जनयुद्धकारीतयत स्याना: हे थ:गु शासन ता:हाकेगु कुत: या:पिं राजावादी पूर्वपञ्चवादीत नं छथाय् दुगु सरकार छु आवश्यकतां गठन जूगु धयाच्वनेमा:गु मखुत ।

लिपांगु इलय् वया: दल सत्ताय् थ्यंकेगु लागि छुं नं कथंया गठबन्धनयात वैचारिक माला बिइत नेपा:या पार्टीत एक से एक सक्षम । कांग्रेस एमाले मिले जुया सत्ता चले यात कि आन्दोलनकारीतयगु गठबन्धन, कांग्रेस पञ्चतय संयुक्त गठबन्धन धइगु प्रगतिशील गठबन्धन, एमाले एमाओवादी गठबन्धन धइगु परिवर्तनकारीतय गठबन्धन व थौंकन्हेया सरकारया गठबन्धनयात सायद राष्ट्रवादी गठबन्धन धका: गर्व यायेफु । नेपा:या परिभाषाय् राष्ट्रवादी धइगु भारतया विरोध याइपिं राष्ट्रवादी जुइगु ख: ।

तर लिपांगु इलय् वना: भारतं विउगु सुभावा यात वेवास्ता याना: वा धाये भारतयाके न्यने ल्वमंका निर्णय याये लात उकिया कारणं भार त भचा तम्बयेका नेपा:या सिमा नाकाय् तराई मधेसया आन्दोलन यात समर्थन यायेथें या:गु नाकाय् पिदंगु असहजताया समस्यासंविधानसभां संविधान दयेकेबलय् नेपा:या फुक्क समुदाययात सहमति दयेका: जक संविधान जारी या:सा नेपा:या भिं जुइ धका: भारतीय पक्ष न्हापां निसें हे सल्लाह बियाच्वंगु ख: ।

भारतया प्रधानमन्त्री, विदेशमन्त्री निसें भारतीय सरकरी दूततसं नेपा:या भ्रमण इलय् निसें नेपा:या नेतात भारतय् वना: भारतीय नेतात नापलाइबलय् नं थ्व हे सल्लाह बियाच्वंगु ख: । न्हापा संविधान जारी यायेत कांग्रेस व एमाले जक जानाच्वंगु ई व एमाओवादी लगायत यक्व दलत विपक्षी दुबलय् भारतया थ्व सुभावां याना:

एमाओवादीयात भचा सहज जुयाच्वंगु ख: ।

भारतया संकेत कांग्रेस व एमालें एमाओवादीयात नं दुध्याका संविधान जारी यायेत धा:गु जुइ धका: अन्तत संविधान हयेगु नितिं कांग्रेस व एमालें एमाओवादीयात नं नापं हया: संविधान जारी यायेवं तराई मधेसया मधेसी समुदाय, थारुतय्पाखें थुकथंया प्रतिरोधात्मक आन्दोलन मजुइगु व भारतया प्रतिक्रिया नं थुकथं कडा मजुइगु विचा: स्वंगू दलया शीर्ष नेतातय् ख: ।

कांग्रेस, एमाले व एमाओवादी धइगु भारतनाप दूरी तव्या: याना: नेपालय् शासन यायेगु परिकल्पना मयाइपिं दलत जूगुलिं स्वंगू दलया शीर्ष नेतातसं सहमति यायेवं भारतं खास हे विरोध याइमखु पूर्वानुमानया लिधंसाय् बहुमतया लिधंसाय् संविधान जारी यानां त्वतल ।

भारतं संविधान जारी याये न्ह्य: फुक्क समुदायया नं सहमति का: धका: विउगु सुभावा विशेष याना: तराई मधेस केन्द्रीत दलतय् नं सहमतिइ हया: संविधान जारी या: धइगु संकेत ख: धइगु स्पष्ट हे ख: । तर थ्व हे कारणं भारतं थ्व अवस्थाया तक प्रतिक्रिया विइ धइगु अनुमान जक स्वंगू दलया नेतातयेके मदुगु ख: ।

हानं तराई मधेस व थारुतसं थ्व तहतक आन्दोलन याये फइ धइगु पूर्वानुमान मदुगु कारणं व भचा भचा स्वंगू दलया शीर्ष नेतात सहमत जुइगु मधेसी थारुतसं विरोध या:सां उकिं खास हे प्रभाव लाकि मखु धइगु अनुमान याना: संविधान जारी यात ।

थ्व स्पष्ट ख: कि स्वंगू दलया नेतातसं संविधान जारी याये बलय् भारत तम्बयेका नाकाबन्दी तकया तहलय् तक भारतं प्रतिक्रिया बिउसां सामना याये धका: संविधान जारी या:गु मखु ।

उमिसं ला भारतया थ्व तह तक प्रतिक्रिया वइमखु भारतं नं समर्थन हे याइ धइगु अनुमानय् संविधान जारी यायेधुंका: भारतं थुकियात समर्थन मयायेवं थौंकन्हेया सत्तारुढ दलया छुं च्वापुका नेतातसं भारत अर्थात मालिकया विरुद्ध विद्रोह याना: संविधान जारी याना: नेपा:या सार्वभौमसत्ताया तागत भारतयात क्यना बिया: धका: फुर्तिफार्ति याना: थ:पिन्त राष्ट्रवादी क्यनेगु कुत: नं जूगु खनेदत ।

तर थ्व कुत: गुलि आधारहीन धइगु राष्ट्रवादी धका: दावी याइगु सरकारया प्रतिनिधितसं भारतया औपचारिक रुपं विरोध याना: संसदय्

प्रस्ताव हयेगु तागत मदु बरु थ:यात दु:ख बियाच्वन धा:म्ह प्रतिनिधियात हे थ: प्रधानमन्त्री जूगु लसताय् सुथ: न्हापां थ:गु हे बेडरुमय् वया: बघाई बिउ बल धका: मख्ख जुयाच्वंगु दु ।

थ्वया दथुइ नाका सिमानाय् व:गु अवरोधया कारणं पेट्रोलियम पदार्थ लगायत मालवाहक गाडीत भारतं नेपालय् दुर्होवये मफया नेपा:या अर्थतन्त्र तहसनहस व जनताया दैनिकी तक समस्या व:गु स्ववा: दइन अय् नं सरकारी दलतसं थ्व समस्याया समाधान फास्ट ट्रायकं समाधान यायेगु कुत: या:गु मदु ।

तार्किक समाधान वनेगु स्वयां गुबले भारत नाप खँल्हायेगु धका: विदेश मन्त्री दिल्ली ब्याँय् वनी, चीनया नाका चायेका: अय् नं पेट्रोलियम पदार्थत हयेगु धका: बकंफुसे आश्वासन इना: च्वनी ।

समस्या भारतं नाकाबन्दी या:गु ख: धका: धाये छ्वा:गु मखु, अले समस्या नं समाधान यायेगु हैसियत नं क्यने फुगु मदु विडम्बना थ्व हे ख: व थ्व विडम्बनाया दथुइ नं म्वाना च्वनेत वाध्य जूपिं नेपा:मि मेगु जनआन्दोलनया अवसर पियाच्वंगु खनेदत ।

विडम्बना ला थ्व नं ख:कि राष्ट्रवादी धा:पिं शक्तितसं थ:गु देय्या तराई मधेसया मधेसी थारु लगायत आदिवासी जनजाति समुदायनाप फास्ट ट्रायकं वार्ता याना: समाधान हया: नेपा:या आन्तरिक शक्ति मजबूत यायेगु स्वयां भारतयात लयेतायेकेगु खुँ लँपु जक राज्यं माला च्वन ।

समस्या तराई मधेसया आन्दोलन व सिमा नाकाय् व:गु अवरोध नेपालय् वयेमा:गु मालवाहक ट्रक ट्रायकरत नेपालय् दुर्होवये मफुगु ख: । थ्व समस्या धइगु नेपा:या आयल निगम मेमेगु देसं पेट्रोल न्याना हये धका: धा:सां नाकाला थ्व हे छ्यले मा: ।

भारत याके मन्यासे मेथासं न्यासां व हे भारतीय मार्ग व नाका जुया वयेमालीगु अवस्थाय् वर्तमान समस्या ज्यनीगुला ख: हे मखु । थुज्व:गु अवस्थाय् चीनीया नाकां व हवाईमार्ग पेट्रोलियम पदार्थ हयां तत्काल समाधान जुइगु परिस्थिति दु हे मदु ।

चीनीया रसुवा केरुङ नाका चा:गु चौबिस घण्टा दुने हे चल: वया बन्द याये मा:गु भौगोलिक परिस्थिति, अले हवाई मार्ग जुया: ह:गु पेट्रोलियम पदार्थया मूल्य अधिक जुइगु फुक्क वास्तविकता दयेक दयेक जनतायात भ्रमय् तया सही व न्यायपूर्ण समाधानया लँ पुइ मवसे जनतायात दु:खजुइगु मार्ग ल्येवं तं सुं नं राष्ट्रवादी जुइमखु ।

रामदेवी स्मृति प्रतिष्ठानया तहराया उलेज्या जुल



ज्वजलपा वाःपौ /

पाँगाया देक्वय् डा.देवकाजी डंगोलं भुखाचं पिडितपनिगु निति दयेकातःगु अस्थायी तहराया छगू ज्याभवलय् उलेज्या जुल । वंगु कार्तिक २ गते तहरा दयेकातःगु थासय् हे प्रमुख संरक्षक डा.देवकाजी डंगोलया सभानायोसुइ जूगू ज्याभवलय् गैर आवासीय नेपाली संघया नायो शेष घलें त्वार वालय् मत च्याका उलेज्या यानादिल । उलेज्या नापं वयकलं अन तहराय् च्वनाच्वंपिन्त अमेरिकाया Lexington, Kentucky POLO CLub व Doha Qatar या KG Group छवयाहःगु राहत सामाग्री इनादिल । वय्कलं गजःगु कथंया ग्वाहालि माःगु खः छगु योजना दयकाः बिल धाःसा गैर आवासीय नेपाली संघं फुगु ग्वाहालि यायेगु बचं बियादिल ।

लसकुस न्वचुया भवलय् संस्थां भुखाचं पिडित पनिगु निति अस्थायी तहरा दयेका व्यूगु थें मां अबु मद्रुपिं दुहुरा असहाय मस्तयगु शिक्षा दिक्षाय् नं ग्वाहालि यायेगु आज्जु दुगु खँ कनादिल । प्राचार्य नन्दकुमारी महर्जनं तःभुखाचं पाँगाय् याःगु विनाश व पाँगाय् थौकन्हय् जुयाच्वंगु ज्याया बारे ध्वाथुइ कनादिल । भुखाचं स्यंकूगु विध्वंसयात भीपिं सकलें जाना अर्थात समुदायया नितिं समुदायनं हे ग्वाहालि यायेमाःगु खँय् बः बियादिल । प्रोफेसर र मजान मियाँ मंजुश्री पार्कया गुफाय दुहाँवनेत माःगु टर्च लाईत सचिव सुजिन्द्र महर्जनयात लःल्हाना दिल । नेपाल दुहुरा कल्याण संघया न्वकू व पत्रकार नजरराम महर्जनं दुहुरा शब्द मस्तय् मयःगुलिं उकिया नां हिइकाः मां रामदेवीया नामय् थ्व संस्था पलिस्था जूगु खँ कनादिसें नां न्ह्यागु हे जूसां उद्देश्य व ज्या छगू हे जुइमा । डा. देवकाजीया ग्वाहालिं दुहुरा संघं २०० निसःम्ह मल्याक मस्तयूत एस.एल.सी. तक ब्वंकाः नं गुलिसित नर्स, इन्जिनियर तक नं ब्वंके धुकूगु खँ कनादिल । सभानायो डा.देवकाजी डंगोलं न्ववायगु भवलय् थः न्ह्याथ्याय् च्वंसां थःगु मन न्ह्यावलें पाँगाय् हे दुगु । पाँगाया विकासया नितिं थःम्हं फुगु ग्वाहालि यायेत न्ह्यावलें तयार दुगु खँ कनादिल ।

पाँगाया गढपःखा दुनेयापिन्त लालपूर्जा इन



पाँगाया गढपःखा दुने पुस्तौ पुस्तानिसें च्वनावयाच्वंगु थःगु छेंया हे लालपूर्जा मदु । गबलेतक लालपूर्जा दइमखु अबलेतक थः च्वनावयाच्वंगु छेंय् थःगु छुं हे अधिकार दइमखु । थ्वहे खँयात वाःचाय्का खुदं न्हय्दँ न्ह्यःनिसें पाँगाया प्यंगु वडाया जनता व जनप्रतिधित जानाः नापी विभागं नापी टोली हयाः नापी याकेगु ज्या जुल ।

तःदँ न्हयःनिसें नापी जुया नं गबलें हे ज्या पूमवंगु ज्या थुगुसी तःभुखाय् नं पाँगाया गढपःखा दुनेया ९० प्रतिशत छेंयूत थुनाबिल । सरकारी ग्वाहालि छुं कायेत लालपुर्जा मदयकं मगाःगु अवस्था जुल । उकिं १० नं क्षेत्रया सभासद र जेन्द्र कुमार के.सी.या विशेष तिबः दयाः थुगुसी नापी यानाः २१ दिने सुचं पिकयाः नं छुं उजुरी मवःगु ८० खाः छेंय्या थुवाःपिन्त लालपुर्जा इनेगु ज्या जुल ।

वंगु कार्तिक २ गते पाँगा विकास सरोकार केन्द्रया नायो व नापी व्यवस्थापन समितिया संयोजक प्रशान्त महर्जनया नायोसुइ मूपाहाँ सभासद राजेन्द्र कुमार के.सीं पाँगा लाछि छगू ज्याभवः याना लालपुर्जा इनेगु ज्या याःगु खः ।

उगु ज्याभवलय् पूर्व राज्यमन्त्री दिलिप महर्जन, किपू प्रहरी वृतया डिएसपी, नापी प्रमुख, नगरपालिकाया प्रतिनिधि नापं पाँगाय् सक्रिय राजनैतिक दलया प्रतिनिधिपिन्सं नं छसिंकथं लालपुर्जा इनेगु ज्या याःगु खः ।

जामनः गुभाःजु संकिपाया शुभ मूहुर्त यात



विराजकाजी राजोपाध्याय/नेवक अनलाईन न्यूज

नेवाः समाजय् अतिकं लोकन्हाःगु जामनः गुभाःजुया बाखनय् संकिपा दयेकीगु जूगु दु । मंगलवार येंय् छगू ज्याभवः यानाः नेपालभाषाया संकिपा जामनः गुभाःजुया शुभ मूहुर्त याःगु दु ।

शुभ मूहुर्त ज्याभवलय् संकिपाया नायः सुशील राजोपाध्याय संकिपाया छकू सीनया अभिनय यानाः क्यनादिल सा संकिपाया निर्देशक रवि साय्मिं नैक्याः तछ्यानादिल ।

थःगु नुगःखँ तयेगु भवलय् निर्देशक भाजु साय्मिं नेवाः समाजय् लोकं व्हाःम्ह तान्त्रिक आचार्य जामनः गुभाःजुया बारे थौकन्हय् ल्याय्म्ह पुस्तां मसियावंगु अवस्थाय् जामनः गुभाःजुया जानकारी सकसिगु न्ह्यःने हयेत हे थुगु संकिपा दयेके त्यनागु धयादिल ।

भाजु साय्मिं नेवाः अनलाईन न्यूजलिसे खँ ल्हासें आः याकनं हे संकिपाया सूटिङ न्ह्याकेगु खँ धयादिल । संकिपाया नायःलिसें पटकथा व संवाद च्वमिं सुशील राजोपाध्यायं थम्हं संकिपाया पटकथा च्वयेत जामनः गुभाःजुया बारे यक्व हे अनुसन्धान यानागु व अर्भं नं अनुसन्धानया ज्या मदिकानिगु धयादिल ।

जेस्सी पेनी इन्टरटेनमेन्ट व द वाइल्ड बुल्स प्रोडक्सनया ब्यानरय् दयेकेत्यंगु संकिपाय् छायांकनया ज्या भवानी शिलाकारं यानादी त्यंगु दुसा भिएफएक्स प्रदीप खड्गीं यानादीत्यंगु दु । मुख्य सहायक निर्देशनय् मनोजरत्न शाहि दुगु संकिपाय् संगीत बालकृष्ण वंशीयागु दु ।

किपूया न्हापांगु पत्रिका लूनिभाःपाखें ल्हयया

४२ दँ न्ह्यः पिदंगु चिनाखँ

या जनसेवा

च्वमि :- न्हुछे वहादुर महर्जन
नगां, किपू

सपना विपना थ्व दुनियाय् छु दु
वयगु वनेगु मेलाय् जाय्केगु
सीकि पासा यायगु सेवा ।

छु दु स्व सितकि यंकेगु
सु दु सीकि चाम्ह थःगु
पासापिं दै सेवा याइपिं ।

भिंगु सेवा छु खः सीकि
याना लुयावै मनय् शान्ति
जुया हुँ भिंम्ह सेवाकारी ।

मनूयात मनू पासा
म्वाःम्ह यात जीवन
जनयात सेवा या ।

तःधें चिधें छु दु पासा
आत्मा सकसिगुं उत्थें
जनयात सेवा या ।

(चिनाखँय् बांलाःगु)

—ने. सं. १०९३ या मोहनिया लसताय्
नेपालभाषाया साहित्यिक मुना पौ लूनिभाः
किपूया न्हापांगु पौ ज्ञानवहादुर महर्जन
सागाः नं पिथना दीगु खः । किपूया
न्हापांम्ह पत्रकारया रुपय् वय्कःया
किपूमितसें हने धुकूगु दु । वय्कःया
याकःचिया कुतः नं लूनिभाः खुगु ल्याः
तक पिथनाः दीगु खः । लूनिभाः लिपा
वय्कःनं नीलः नांगु साहित्यिक पौ नं
पिथनादीगु खः । उगु इलय् किपुली साहित्य
च्वयेगु छगु लहर हे न्ह्याःगु खः । पुलांगु
साहित्य लुमंके कथं छसिंकथं थन च्वसुत
न्ह्यव्वया च्वना । न्हापा भीथाय्
नेपालभाषां च्वइपिं यक्व दुगु खनेदु । आः
उलि खनेमदु । सायद थःगु च्वसु पिथनेगु
ह्वताः मदया जकं खःला ? थ्वहे खँयात
वा चायेका ज्वजलपा वाःपौ नं साहित्य
विधाः दुथ्याका यंकेगु आज्जु ज्वनागु जुल
—संपादक

छधा: प्याखं —क्रान्तिया सिपाई

नरहरि महर्जन
ध्वाखासि, पाँगा

उखें थुखें थासय् मलाक
छ्याल बछ्याल जुयाच्वंगु लव:
कव: व टुक्रा टाक्री भ्वाथ: व सर
सामानया दथुइ स्वम्ह मस्त
कयकुना सहाराया लागि सहयोग
फवनाचवनी ।

कोथाया कुनेपाखे दराजया
द्योने ट्रंक छगः । निसा त:धिक:म्ह
मह्याय् । चिधिक:म्ह निशाया केहें
लिसा । भिदें दुम्ह किजा । निम्ह
ततापिन्सं कयपुना त:गु । मानो
किजाया लागि दक्व दुख इमिसं
हे मुंका थ:पिन्सं हे कायत कुत:
याना चवनी ततापिं निम्ह ।

कोथाय् उखें थुखें लानाच्वंगु
भ्वाथ: मुंका: मचायात द्योने
तयाबिइ । द्यनाच्वंम्ह आशा
नारांचा ततापिन्सं भ्वायाक मिखां
स्वया वास्याक्क न्हिली ।
कयकुनी ।
निशा :- (जवखंवं मिखा ब्वया
लुमुका विइगु सामान छुं दु ला
धका: आशाकुती पहलं मिखा
बोई । तर छुं नं खनीमखु) लिसा !

माँ आ:तक मव:नि । खापा निं
ग्वया वयमा:गु ।
लिसा :-मां वइगु ई जुल । भचा
लना वहे वइनि । खापा खँ हुं । थाँ
क्वहाँ, थाँ क्वहाँ ।
निशा:- उलि जुइत छन्त थाकुल
का । थन मचायात ज्वर व:थें च्वं
। कासो (कपाथिया) गज्यागु कपा
क्वा:गु का । (छामेयाना उखेंथुखें
लहातं थिई) तुति धा:सा ख्वाउँसे
च्वं च्वापुथें । (खापा स: वई)
लिसा:- उ का माँ वहे वल नि ।
निशा:- मांयात खापा हे ग्वया वा
धा ।
लिसा:- (त:सलं) यो मां खापा ग्वया
वा ।
(आशानारां जुरुक्क दना प्वालापुलिं
त:ग मिखा कना मिखा बू स्याना
लुखापाखे स्वई) मां
पिलाक्व खनेदय्क लुङ्गी हिना:
त:गु ।
बछि लुङ्गी प्यानाच्वंगु । लुङ्गी न्याक्क
तिसिना तोता थकूगु । याकनं फसं
गकेत जुईमा । छैनय् ध:स्वाक
असारया प्वाचास्वाँ छुना त:गु दु ।
जव ल्हाति कु ज्वना खव ल्हातिं
त्व:कू ज्वना व:म्ह हरिमाया हाकू

ख्वा:, ह्याउँसे च्यानाच्वंगु ख्वा: ।
वहे ख्वालय् फुतिफाति ना: ति नं
गनं गनं खने दु)
आशानारां:- (चिधिक:म्ह ततायात
स्वया गो धका: ल्हा: भाय् याई)
निशा:- वल वल सुम्क च्वं ।
आशा:- (मांम्ह खनेवं) मां ... (
दना वनां घयपूवनी)
हरिमाया:- आसे बावु ! आसे ।
थ्व सामान तय । (मचां न्याक्क
घयपुई) आसे धया आसे ।
गपाय्च्वंम्ह मचा ख: त्या । दुरुत्वने
मा:म्ह मचा थें का । (मछिं मछिं
सामान छखे तथा मचायात छयों
बूबूस्याकी) आ: गथिनाय् मचायात
ज्वर व:थें च्वं) लिसां सामानत
ध्याकूंचाय् तययंकी)
निशा:-ख: धयां ज्वर व:थें च्वं ।
ग्याना ला छु ख: न्हाच:निसें सुम्क
चवनाच्वन । न्वनं मवा । ग्यालय् बू
थें च्वं ।
हरिमाया:- ग्यालय् बू (अजुचापह:)
छाय् ? छु जुल ? गथेजुया ग्याले
बुल ? (तम्बय्का) मचायात
याक:चा त्व:ता छिपिं निम्ह गन
वना च्वन जुई छेंखाधा: जुया ।
लिसा:- गन ख: त्या ... । न्हाच
थन गज्यागु ! पुलिस सिपाईत वया
गयच्वंका धाराधुरु याना वन का ।
जिपिला गज्यागु स्यात ।
हरिमाया:- सिपाई वल । (मिखा
उखें थुखें ब्वयका भसुका तई ।
फयतू वनी । मचायात मुलय् तया:
छैनय् उसिउसि याइ ततापिं निम्ह

नं मांम्हेसियाय् जवखंवं फयतू वनि)
गबलें मव:पिं जुया स्यात ला ?
इमिगु ज्या हे छु ? वई वनिका । (
भसुका तथा) उफ ... थौं छें नं
बुई नं गज्यागु का ... । छिमि
वायात भन्दै ज्वना येंकूगु का ।
धन्य बचय् जुल ।
निसा:- (अजूचाया) बचे जुल !
पुलिसत भीथाय् वुई नं व:गु ला ?
लिसा:-बुई नं व:गु ? छाय् ? छु
या: व:गु ?
हरिमाया:- वायात ज्वना येंके धका
व:गु । मन हे धुक धुक मिनका ।
थ्व नुग:पा ला भारा भारा का सास
हे तप्प दिईथें ।
लिसा:- भी बा बुई धका: सुना
धा:गु ? इमिसं गथेजुया सिल ?
निसा:- सुनां सुनां का अथेधा:गु
स्यूगु जूसा जिहे जिल नि मखुला
मां ?
हरिमाया:- छिमि बा: गन गन
वनी धका: सराकारं सि.आई.डि.
त्वता त:गु दु ।
लिसा:- सि.आई.डी.धा:गु छुलय्
? गनच्वीपिं लय् ?
हरिमाया :- (बुलुहुं दना मचायात
छखे पाखे ग्वतुकी न्येयात:गु
गाचांतुं फायकी) गनच्वीपिं जुई ?
भीथाय् गामय्च्वीपिं । छम्ह छम्ह
महसू । भीगु सरकार निं वयकी
अले अज्यापिं छम्ह छम्ह दतले
सि ल्यय्थें ल्यया सिधयका
छवय्का ।
निशा:-भीथाय्च्वीपिं सु लय् ?

हरिमाया:- जिं महसू । इमित
बाकि हे तय्मखु ।
लिसा:- मां अले बा गथे जुल ?
कि ज्वना यंकल ?
निशा:- इपिं खनेवं हे बा बिस्सुं
वंगु ख:ला मां ?
हरिमाया:- मखु अथे बिस्सू वंगु
मखु । बचय् जुल का ।
लिसा:- गथेजुया बचय् जुल ?
छक: धयाहिला मां । थ्वला छपु
कहानि थें जुई ।
हरिमाया :- ख: धायें हे यागु छपु
कहानि । छपु बाखँ । व बुईयागु
खँ लुमना वइवलय् आ:तक नं
सपना ला कि विपना थें च्वं । (
मचा दनेत उसि उसि सनी निशा
लिकवना थ्यनेगु स्वई) जि व
ज्यामित वा पिना च्वना । छिमि
बा जिमि ल्यू ल्यू कू ज्या याना
वयाच्वन । दैवया संयोग दैवया
लिला सुनां छु धायेफु । वुं चाक:सिं
दुस्मनतय्सं चाक:थुली धुंकल ।
जिं नं महसू । छिमि बा: नं नं महसू
। व ज्यामितय्सं नं महसू ।
छाय्धा:स इपिं सिभिल ड्रेस व:गु ।
अथेथथे सुनां नं महसू ।
लिसा:- सिभिल ड्रेस धा:गु छुलय्
?
हरिमाया:(इमिसं साधारण छें
फिइगु लें जक फिना व:गुका ।
ज्याना हे च्वना । भचालिपा छिमि
बाया पिसाव यायमाल धका धा
धां ज्वलय् पाखे
स्वयावन । दुस्मनतय् मिखाय् छिमि

वा बिस्सू वंथें चवनाला
मसू । न छु जुल । गुलिसें बन्दुक
पिस्तोल लिकया सोभय् याना
ज्वलय् पाखे त:पला याना बापाखे
हे स्वया धाराधारु ब्वाय् वन ।
ज्यायाना च्वपिनिगु मिखा इमिपाखे
वन ।
सकसिनं सिल थुल । धनवायात
ज्वं वल । अले अचानक पालाक
अन स: पिज्वल धन बा छ बिस्सू
हुं । छन्त ज्वंवल । जिं धया छगु
ल्यूने पुलिस वल, याकनं बिस्सू हुं ।
छिमि बा नं लिफ छक: स्वया
छकलं हे ज्व:चापाखे कुहंवन ।
ज्वलं ज्वलं बिस्सू
वन । सायद जित गनतक खँ
इमिसं बायात ज्वने मफुत । पुलिस
मिलिटरीत खालि ल्हातिं
लिहंवल ।
निशा:(आ: वा गन वन ?
लिसा:(वा बहनि वइतिनि ला ?
हरिमाया:(वई, मवई, गन
वन ? छु थासय् वन । जिं नं
मसिया तर बायात इमिसं
ज्वनेमफुत थ्वहे त:धंगु खँ
जुल ।
लिसा:(मां भीत जक थपाय्च्वगु
दुख छाय् बिउगु ? वं वंथाय्
खिचायात लिईथें लिटुलिना छाय्
जुउगु ? वुई वंसां शान्ति मदु ।
छेंच्वंसां शान्ति मदु । छाय् धया
मां ? छाय् ?
कथंहे

सौरभया निपु चिबाखं

“अनुचिया जाकेट”

वं थ:मह्याय् अनुचित जाकेट छपा न्यानाहल । थ:बौनं
जाकेट न्याना:ब्यूगुलिं अनुचिया लयताया था:गा मन्त व
तसकहे लयताल । गुबसं हे वया बा:नं छु धका: न्याना:ब्यूगु
अनुचां मस्युनि उकिँ अनुचां थ:बौनं न्याना:ब्यूगु जाकेट
न्हिँ न्हिँ कलेज वनेत फिनाजुल । अनुचां म्हं जाकेट त्व:तुगु
धायेगु हे द्यनेत जक जुल । व तसकं लयताल मह्याय् खना:
। न्यान्हुति फ्यूबलय् अनुचां व जाकेट क्वथाय् लासापाय्
वांछवयातक । वं जाकेट पुतपुइका स्वत, हाकुनं मजुनि ।
छाय् मफ्यगु जुइ । न्हिँ न्हिँ फिना वाक्क वल ला ? वया
मनय् द्यौ बजि वाल । व तलय् वैगलय् वना: जा थुयाच्वंम्ह
अनुचिया मांयाके न्यन “छाय् अनुचां जाकेट ला मफितनि
!”
मांम्हसिनं छवाराक्क लिस:बिल “आ:लाखे अनुचां व जाकेट
फिइ मखुत हँ । व जाकेट लाखे म्हिग बसय् च्वना: कलेज
वंवलय् अजा:गु हे जाकेट कण्डक्टरं फिनाच्वन हँ । कण्डक्टर
वइत स्वया: फिस्सिक न्हिला:थ:गु जाकेट स्वल हँ ! उकिँ
कण्डक्टरं फिइगु जाकेट फिना जुइ मछा हँ !”
कला:या लिस: न्यना व गबयतनं वाताहाँ च्वं च्वन ।

“स्वम्ह पासापिं”

देशया नेतातयसं छक: पतिकं नां कया: हालाच्वंगुलिं संवाद,
सहमति, सहकार्य स्वम्ह पासापिनि हाच्छिँका ततं
लिमलानाच्वन ।
यक्व: तारंता हाच्छिँका वगुलिँ इपिं स्वम्ह पासापिनि थ:वं थ:
खँ व्याकल (“धात्यें थ्व पक्ष, विपक्ष नेतातयसं देश व जनताया
हितया भलाइया निंति थ:पिन्त स:ताच्वंगु ख:ला ?”
उपिं स्वम्हसिनं क्वछित, स्वम्ह थिथि त:धंगु दल स्वंगु अले
मेमेगु दलया नेतातयके दुहाँ वना धात्यें हे इमित स:ताच्वंगु
ख:ला भिँमतिँ ! धात्यें हे इमिसं आवश्यकता तायेक:गु ख:ला
धका: स्व:वनेगु ! थुकथं उपिं स्वम्ह पासापिं दलया नेतातयेगु
नुग: नुगककय् दुहाँ वना स्व:वन । स्वस्वं इमिसं यक्व कनेज्यूगु,
कनेमज्यूगु खँ सिइका वल । स्वम्हसिनं थ:मं खंगु खँ कन ।
स्वम्हसिया प्रतिवेदनय् छगू हे लिच्व: पिहाँवल कि दलतयत,
नेतातयत थ:त छिँ कथं संवाद, सहमति, सहकार्य मा:गु जुयाच्वन
देश व जनता हित स्वया । उकिँ उमिसं छगू क्वछित थ: थ:गु
न्हायपनय् थाक्वराँ तयेगु ।

मोहनि नख: व चिकं अभाव हाइकु



ज्ञान ब. महर्जन ‘नेवा:’

८.. वनागु लय् थौं
लिमथ्यनीगु जुल
चिकं मदया: ।

९. न:ला स्वाँ छुनां
हिंसि दुम्ह मयजुया
ख्वाल मुसुका ॥

१०. मोहनि सिन्ह
गुलिजक त्व:खँला
छयेनय् न:ला स्वाँ ॥

११. स्वाँ सिन्ह जाकि
पूजाभ:लय् थाति स्व:
थ: न्ह्योने च्वना ॥

साहित्य / हाइकु

वास लायेफु ॥

१२. मखं जिं वैत
गथु प्याखँया हुलय्
वला थ: लिक्क ॥

१३. गुलिसियां छु
नेतातय् भागवन्दा
छु पद काये ?
१४. बुद्ध बूगु दे
अशान्ति गनं वल ?
माले माल न्हां ॥

१५. धेवा दुसां थौं
न्याये मदैगु जुल
थुगुसीया ई ॥

१६. चिकं मदु स्व
गन वन अन हे

१७. मोहनि स्वन्ति
भिन्तुना कालविल
लिमला फुक्कं ॥

१८. जीवन हे ख:
उखेथुखे जुइफु
चाय्कं मचाय्कं ॥

१९. मदिकक न्ह्याई
कलकल खुसिवा
जीवन लेंपु ॥

२०. दे व जनता
थवंथवय् ल्हा: ज्वनां
न्ह्यज्याई तिनि ॥

२१. सुरकार ग्व: ?
थुलिमछि अभावय्
म्वाय्माल जन्ता ॥



किपूया गथु प्याखं (गं मखा:गु प्याखं)

सफू वजारय् पिदने धुंकूगु दु थ:गु प्रति सुरक्षित यानादिसँ

सफू दइगु थाय्

- १) खपया च्याम्हसिंहया स्टेशनरी पस: (श्याम सुन्दरया पस:)
- २) खप कमल विनायकया स्टेशनरी पस:
- ३) किपूया सत:क्वया स्टेशनरी पस:
- ४) किपूया देय् पुगूया बाघभैरव स्टेशनरी पस:
- ५) किपूया पांगा दोवाटोया किपू बूक प्वाइट

६) यँया भोताहिति नातिबज्रया पस:

७) यँया कुलाभुलिइ च्वंगु मंका: धुकू पस:

८) कीर्तिपुर सन्देश वा:पौ व ज्वज्वलपा वा:पौया ज्याकू निखासि
किपू, फोन नं. फोन नं.: ४३३३००७, ९८४१४०१०७७

९) स्वापू नितिं मेमेगु फोन नम्बर: ४३३४०१३, ९८४१७५२५८३,
९८४६०४६१२३९

मू

सच्छि तका जक (१०० / —)

नेपालभाषाया उपन्यास

कीर्तिलक्ष्मी

—वासुपासा



भिमस्वप्ना

जुजु ज्ञानप्रजाया अध्यक्षतास किपुदेसया रक्षा यायेगु बारे काजि धनवन्त, सरदार मकरसिंह, मानवीर व मेवपिं देसया मुख्यपिं तनाव खँल्हा बल्हा जुया च्वनिइ । अन महारानी कीर्तिलक्ष्मी नं न्ह्यज्याना च्वनिइ । व सभास जुजुं सकसितं सम्बोधन यासे धया विज्याना च्वनिइ ।

“छैं बल्लास गां बल्लइ, गां बल्लासा दे बल्लाइ । अले भी बल्लासा मेवपिं सुनानं ख्याये फइ मखु । गोरखाया खसतयसं त्याका वये फुगु नं छगु कारण थ्व नं खव । थ्वहे खंयात कयाव यैं, यल व खोपया जुजुपितं थवं थवस ल्वाये मजिउ धया नं थिपिं ल्वानाहे च्वनं, थ्व अवश्यनं भिं जुइगु लक्षण मखु । पिनेया शक्तिनाप ल्वायेमाल धालसा थुमिसं भीत छुं ग्वाहालि याइ मखु । खनं खव ध्वगिकगु पासि म्हुतुस तलकि म्हुतुहे स्यनिइ । कतकया भरस न्यासे वनिइपिं दल कि दैने फइमखु, थवगुहे भरं न्यासे वनिइपिं दवसां दैनाव हाकनं न्यासे वनिइ ।

हताल यायेगु देसया इच्छा मखया नं गोरखाया खसत नाप ल्वाये हे माल । ल्वानाव गोरखाया खसतयत ख्याना व्छया । तर आव अथे ख्याना ल्वानां नं गाइमखुत । छाय धालसा मकवानपुरया हेमकर्ण मदेयकाव अनहयकयाव अनया लुं, वह, तिसा हयाव गोरखाया पृथ्वी नारायण शाहयाके यक्व श्री सम्पति दयेधुंकल, कलातया कोसलया धेवां थन ल्वाव वल धालसा आव कलातया मां वउपिनि धनं हाकनं थवत मकइ धाये मजिउ । उकिया लागि छुयायेगु ? हिन्दुस्थान वनाव अनया अंग्रेजीयात लुं, वह बियाव मेवगु तुपत न हये फु । आव भीसं तावलाके मागु छु ? छु याये माव ? धकाव धनवन्त काजिया ख्वाल स्वइ ।”

“महाराज छलपोलं छुहे धन्दा कया विज्याये मते, जिपिं दु” धका धनवन्त काजिं थवगु जव ल्हाहा छातिस तइ । छिपिं दया च्वंनाव ला जि दया च्वंगु । छिपिं मदुसा जि गन दया च्वनिइ । थ्व देस छगोल लोहंतस स्थीर जुया च्वंगु देस खव । थ्व लोहं थें तुं थनया माहामितय जक मखु थनया मिसा मिजंया बल्लागु छपा नुगलपा जुया च्वंगु दु ।

आव थनया प्रजां लोहपिनें ल्ह्ययाव हयाव किपु देशया पेखेरं पखालया दुने मुकिइ । अन खसतय तुपतयात लौहग्वारां लिसल बिइ । “काजि छिगु थ्व गोसाल अपालं बांलागु गोसाल खव ।” धाइ । अले “मकरसिंहयाके आव छिगु मेवगु कथंयागु गोसाल छुं दुलाकि ?” धका जुजुं न्यनिइ । गढी पेखेरं रेखदेखया नापं व्याक्क ध्वाखास फलेचा दयेकाव पिवा तया वियेगु । थनया फुक्क मिसा मिजंतयत होस याकाव स्वका तयेगु । “अले भी मानवीरया विचारं ?” धका जुजुं न्यनिइ । पिने थन वइपिं न्ह्याम्हहे थजु वया लिउने चिचामि व्छयेगु ?” धका मानवीर लिसल बिइ ।

“महाराज छलपोलं छुं धन्दा कया विज्याये मावगु मदु । किपु देसयागु सुरक्षाया प्रबन्ध जिपिं फुक्क जानाव यायेफु । वरु महारानीयागु नं छुं अरति दुसा उजं दयेका विज्याये माल ।” धकाव धनवन्त काजिं विन्ति याइ । उगु अवस्थास महारानी कीर्तिलक्ष्मी जुजु ज्ञानप्रजाया ख्वाल स्वइ । धायेगु छुं दुसा धा” धका ल्हाहातं भाय याना धाइ ।

“वीरताया किपुमिं क्यन । तर मूर्खता नं वया नापं क्यना बिल । धर्मयुद्ध अवखतं ल्वा ववम्ह पृथ्वीनाराण शाहयात पाले त्यं वेलस जुजुयात जुजुं हे स्याये माव भी माहामिं पाले मजिउ धका पाले त्यंम्ह माहामियागु ल्हाहा ज्वंनाव पृथ्वीनाराण शाहयात तोल्ता व्छत, थनया प्रजातयसं । यदि मिसातयसं वयात ज्वंगु जुलसा पालाहे बिइ । गोरखाया खसत नाप हताल क्वचाइगु । मदये धुंकुउगु त्वाथल दयेकाव नित्तु निइका बिल, तन्ता थनया मिजंतयसं ब्वलंकल ।

धर्मयुद्धया अवखतं हताल याइपितं धर्मया नामसहे महाभारतयागु हतालया नकल याना” धका महारानी कीर्तिलक्ष्मीं नुंवाना बिउ बेलस अनया व्याक्क मिजंतयसं छेलं क्वछुकल । अले हाकनं “जोसया नापं भी किपुमितयके होस नं दयेमाल “अले हाकनं थुजागु कथं दौके मजिल ।” थुजागु ज्या आवलि जुइमखु धका धनवन्त काजिं क्वछुनाव विन्तीयाइ ।

□

भिम पिच्चा

किपुया न्हापांगु हतालं लिपा सूरप्रताप शाहया नेतृत्वस शुद्ध चान्हे गोरखाया खस माहामित न्ह्यानावया च्वंगु खँनेदत । खस माहामितयत साहस बिउ बिउं सूरप्रताप शाहनं किपुदौं गयेकाव किपुदोया दथुस थ्यं बेलस किपुमितयसं पोंगाके थें लौह गाका हल । गुरु गुरु तुला ववगु लौह ग्वारां अपालं खस माहामित अनसं सित । गुम्हेसियां तुति, गुलिसियां दुगल तोधुल, त्यं दुपिं खस माहातं विसिउँ वैन ।

विसिउँ ववपिं माहामितयत सूरप्रतापं ग्रामया कवस क्वस सुचुका तल । अन पखाल गयेत पं हयाव स्वाहाने दयेकाव हाकनं खस माहामित तयार जुया च्वनं ।

अले सुनानं मचायेक सूर प्रतापशाहनं हाकनं माहामितयत मुंकाव साहस बियाव स्वाहाने ज्वंकाव किपुदौं गयेकाव पखालस स्वाहाने धंकाव सूरप्रताप थव हे थहां वंनाव स्वाहानेया दथुस थ्यंनेवं सुमुक्क सुलाव च्वनं । किल्लाया रक्षा याना च्वंम्ह वीरनर सिंह सूर प्रतापयात धनुखस वाला तया मिखास लाक्क कयेकाव ध्वाराक्क स्वाहाने कुतुका बिल । किपुमितयसं हानं लौह ग्वारा यक्कोहे ग्वारा ग्वारा तुइका हवगुलिं खस माहामित अपालं सित ।

मिखा छपा मदये धुंकूम्ह, म्ह छम्ह हिया हि जुइका च्वंम्ह सूर प्रतापयात खस माहामितयसं लुकुं छिनाव लित यंकल । दहचोया च्वकास थ्यं बेलस “त्याका वइ धयागु आसा याना च्वानां बुका धका छिपि विसिउँ बल” धकाव थयेक्क सूर प्रतापया ख्वाल स्वल बेलस छपा मिखा मदुम्ह थव किजा खँना पृथ्वीनाराण शाहया मन सापहे ब्याकुल जुल । अले वं न्ह्याथास स्ववंसा काजि कालु पाण्डे जक खँन । अन वया न्हायपनं इल मत्यवनि, इल मजुउनि धयागु शब्द त्वपुल ।

वयां लिपा किपुमित नाप ल्वाये मफयाव चान्हे चान्हे खस माहामितसं बुं बुं विसिउँ वंना लये त्यवगु वामा व लईं तुकं लिना वां वां व्छया विसिउँ वँनेगु यात । वहे वा, लईं, तुकं मुनाव ननं खसत नाप ल्वाना च्वनं ।

कथंहं.....

व्यवहारिक जीवन न्ह्याकेत मदयेकं मगाःगु शिक्षा

नासः (न्वचू उद्घोष व एफ एम संचालन कला)

उद्घोषक/उद्घोषण

उद्घोषक/उद्घोषण उद्घोषण याइम्ह अर्थात ज्याभ्वः संचालन याइम्ह मनूयात हे उद्घोषक धाइ । उद्घोष धइगु मनू खःसा उद्घोषण धाइगु आवाजः अर्थात सः खः । उद्घोषकं किमाइगु सः अर्थात ज्यायात हे उद्घोषण धाइगु खः । छु नं कथंया औपचारिक वा अनौपचारिक कथंया ज्याभ्वःयात केन्द्रीत याना स्वल धाःसा अर्थात सभा, सम्मेलन, गाप्ठी इत्यादियात केन्द्रीत याना स्वल धाःसा उगु इलय् स्वकुमि अर्थात दर्शक व वक्तातयगु दथुइ महत्वपूर्ण भुमिका म्हिता सकलसित सु सुचित यायेगु ज्या उद्घोषकं यानाच्वंगु दइ ।

ज्याभ्वःयात बांलाकेगु नितिं दक्ले तःधंगु भूमिका हे

उद्घोषकया जुइ । उद्घोषक फ्यासुल धाःसा वा बांमलात धाःसा वक्तात बांलाःसां ज्याभ्वः बांमलायेफु । अले उद्घोषक बांलात धाःसा वक्तात बांमलाःसां नं ज्याभ्वः बांलाक्क न्ह्याकेफु । उकिं उद्घोषक धइगु ज्याभ्वःया छगू कथंया ताःचा खः ।

उद्घोषणया प्रकार

सामान्यतया ज्याभ्वःयात स्वल धाःसा उद्घोषण याःगु वथें वथें हे च्वंसां नं बास्तवय पानाच्वंगु दइ । उद्घोषण धाइगु सामान्यतया निगू प्रकारया दइ । छगू प्रत्येक्ष व मेगु अप्रत्येक्ष खः । प्रत्येक्ष उद्घोषण छुं नं कथंया ज्याभ्वःवलय् प्रत्येक्ष रुपं हे खने दयेका स्वकुमिया न्हयःने हे च्वना उद्घोषण यात धाःसा उकियात प्रत्येक्ष उद्घोषण धाइ ।

प्रत्येक्ष उद्घोष याःगु इलय् स्वकुमि, न्यनामि वा मेमेपिनिगु


तप्यंक हे प्रतिक्रियाया लिच्वः लाइ ।

अले अज्वःगु प्रतिक्रियाया भ्वःवलय् उद्घोषकं विचाः याये मफत धाःसा ज्याभ्वःवलय् तर्क लिच्वः लायेफु । उकिं अप्रत्येक्ष उद्घोषणया तुलनाय् प्रत्येक्ष उद्घोषणय् यक्व हाथ्या अर्थात चुनौतित वयेफु । रेडियो टेलिभिजनय् समाचार वाचन व गुगु नं थासय् च्वना तप्यंक हे प्रशारण याइगु ज्याभ्वःया इलय् उद्घोषण याइगु यात प्रत्येक्ष उद्घोषण याःगु धाइ । प्रत्येक्ष उद्घोषणय् गल्ली जु हे जुल वा अनावश्यक खँवः म्हुतुं पिहां वल धाःसा तत्काल हे क्षमा फवनेत लिचिले मजिउ । उकिं तसकं होस यायेमाः । सामान्यतया प्रत्येक्ष उद्घोषण स्वंगू कथंया दइ ।

क) औपचारिक, ख) अनौपचारिक ग) ल्वाकःबुकः

प्रत्येक्ष औपचारिक उद्घोषण

छुं नं कथंया ज्याभ्वःवलय् आधिकारिक रुपं हे न्वंवायेगु अले आशन ग्रहण याकेगु नापं विचाः तयेकेगु कथं याइगु उद्घोषणयात हे प्रत्येक्ष औपचारिक उद्घोषण धाइगु खः । ज्याभ्वःवलय् मर्यादाक्रम कथं हे आसन ग्रहण याकेमाः धकाः औपचारिक ज्याभ्वःया उद्घोषकं थुइमाः । अले ज्याभ्वःयात निर्देशन बिइगु नितिं सभाअध्यक्ष अर्थात सभा नायः दयाच्वनी । सभाअध्यक्षयाके अनुमति कया जक उद्घोषकं ज्याभ्वः संचालन यायेमाः औपचारिक ज्याभ्वःवलय् ज्याभ्वः बास्तवय पूर्व तयारी याना अर्थात न्हापा हे योजना दयेका याइगु ज्याभ्वः खः । उकिं ज्याभ्वःवलय् गन थाय् छु यायेगु ? धकाः न्हापा हे धलः दयेका तइ । सभा, सम्मेलन, गोप्ठी, समारोह धइगु



हे प्रत्येक्ष औपारिक ज्याभ्वः खः ।

अनौपचारिक ज्याभ्वः

छगू कथंया पूर्व तयारी अर्थात योजना मदयेकूसे थःथःगु खँ तयाः सहलह ब्याकेगु ज्याभ्वःयात हे अनौपचारिक ज्याभ्वः धाइ । छुं नं कथंया धलः मदयेकूसे, मर्यादाक्रमयात नं बेवास्ता याना विचाः जक कालबिल यायेगु नापं आधिकारिक धारण मवइगु अले निष्कार्ष पिकायेगु ज्या मजुइगु कथंया ज्याभ्वः हे अनौपाचारिक ज्याभ्वः खः ।

उलि जक मखु स्वयं उद्घोषकं नं थःगु विचाः तये फइ अनौपचारिक ज्याभ्वःवलय् । उकिं छम्हेस्यां न्यनीगु अले मेम्हेस्यां कनीगु अर्थात छम्हेस्यां कना मेम्हेस्यां न्यनेगु ज्याभ्वःयात हे अनौपचारिक ज्याभ्वः धाइगु



खः । गथे कि सहलह ज्याभ्वः, बुदिं हनेगु, खेलकुद, सांस्कृतिक, ख्यःभ्वय् थें जाःगु ज्याभ्वः हे अनौपारिक ज्याभ्वः खः । अनौपचारिक ज्याभ्वः धइगु औपचारिक ज्याभ्वःया तयारी कथं नं यायेफु अले विशेष याना न्ह्याइपुकेगु नितिं अनौपचारिक ज्याभ्वः याइगु खः ।

ल्वाकुबुकः

औपचारिकता नं बिइगु अले अनौपचारिकता नं बिइगु कथंया ज्याभ्वःयात हे ल्वाकःबुकः ज्याभ्वः धायेछिं । सभाअध्यक्ष अर्थात सभानायःया आसन ग्रहण नं याकेगु अले दथुइ दथुइ सांस्कृतिक वज्या, कविता वाचन नापं न्ह्याइपुकेगु नं याना च्वनीगु ज्याभ्वः हे ल्वाकःबुकः ज्याभ्वः धायेछिं ।

कथंहं.....

किपूया भिनिदँया गं मखाःगु प्याखं चालंखुन्हुनिसें सुरु पुन्हि खुन्हु सतःक्वय् क्यनीगु

किपूया म्हसीका जुयाच्चंगु भिनिदँय् छकः पिथनीगु ख्वाःपाः प्याखं वंगु शुक्रवाः न्हापांखुसि पिथंगु दु । किपूया पीगं लागं सुरु जूगु गं मखाःगु उगु प्याखं किपू पांगा व नगां चाःहिइका किपूया सतःक्वय् क्वाचायेकूगु खः । वइगु पुन्हि खुन्हु किपूया सतःक्वय् न्हापांखुसि चाखः व न्हिखः प्याखं क्यनीगु जूगु दु । शुक्रवाः पिथंगु गथु प्याखंया किपाः विशेषः



भिनिदँया प्याखंया भ्वल्य् गणेशःया वसः

थनि भिनिदँ न्हयः किपूया गथु प्याखंया स्वयादीपिं नापं अबले किपाः कयादीपिं मनूत थुगुसी गणेशःया वसः खना अजू चाःगु दु । न्हापा गणेशःया वसः तुयुगु खःसा थुगुसी धाःसा वंगु शुक्रवाः प्याखं पिथंगु इलय् गणेशःया वसः हाकूगु खना अथे मनूत अजू चाःगु खः । प्याखंया नितिं किपूया क्वाथं अर्थात पःमाःतयगु आगंपाखें भैरव व गणेशःयात वसः विइगु याना वयाच्चंगु दुसा अथे हे थीथी छःपिन्त नं थीथी परिवारं विइगु याना वयाच्चंगु खने दु ।

कीर्तिपुर नगरपालिका कार्यालय

सार्वजनिक नीजि साभेदारी अवधारणा अनुरूप

शहरी सरसफाई तथा फोहरमैला व्यवस्थापन गर्ने सम्बन्धी

सिलबन्दी बोलपत्र आह्वान सम्बन्धी सूचना

(प्रथम पटक प्रकाशित मिति २०७२/०७/२)

यस कीर्तिपुर नगरपालिकाले सार्वजनिक नीजी साभेदारीको अवधारणा अनुरूप शहरी सरसफाई तथा फोहरमैला व्यवस्थापन कार्य सेवा करार मार्फत गराउने नीति अवलम्बन गरेको हुनाले ईच्छुक फर्म, कम्पनी तथा गैरसरकारी संस्थाहरुलाई ३० दिने देहाय बमोजिमको सार्वजनिक सूचना प्रकाशित गरिएको छ ।

क्र.सं.	विवरण	बोल पत्र खरिद गर्ने अन्तिम समय, मिति र स्थान	बोल पत्र पेश गर्ने अन्तिम समय, मिति र स्थान	खोल्ने समय मिति र स्थान	बोलपत्र खरिद मूल्य	धरौटी
१	सार्वजनिक नीजि साभेदारीमा शहरी सरसफाई तथा फोहर मैला व्यवस्थापन कार्य	प्रथम पटक प्रकाशित मितिले तीस दिन कीर्तिपुर नगरपालिका कार्यालय, देवढोका	प्रथम पटक प्रकाशित मितिले एकतिसौ दिन १:०० बजे भित्र कीर्तिपुर नगरपालिका कार्यालय, देवढोका	प्रथम पटक प्रकाशित मितिले एकतिसौ दिन ३:०० बजे कीर्तिपुर नगर पालिका कार्यालय, देवढोका	रु. १,०००।- (अक्षरेपी रु.एक हजार मात्र) (पछि फिर्ता नहुने)	आफूले कबुल गरेको रकमको २.५% ले हुने र कम नगरपालिकाको नाममा ने.रा. बैंक थापाथलीमा रहेको धरौटी खाता नं स.अ.३३०००१ मा जम्मा गरेको सक्कल बैंक भौचर

- सिलबन्दी प्रस्तावहरु, प्रस्तावक वा निजको आधिकारिक प्रतिनिधीहरुको रोहवरमा खोलिने र निजहरुको उपस्थिति नभएता पनि सिलबन्दी प्रस्ताव खोल्न कुनै बाधा पर्ने छैन ।
- आवश्यक कागजात : नगरपालिकाबाट खरीद गरेको कार्य विवरण फाराम, प्रस्ताव, संस्था दर्ता प्रमाण पत्र व्यवसाय दर्ता प्रमाण पत्र, स्थायी लेखा नं प्रमाण पत्र, प्रस्ताव पेश गर्ने संस्थाको निर्णय, संचालक वा कार्य समितिका पदाधिकारीहरुको नागरिकताको प्रमाणित कागजात र व्यक्तिगत विवरण ।
- शहरी सरसफाई तथा फोहरमैला संकलनबाट आएको फोहर वर्गिकरण तथा प्रशोधन गर्न सम्बन्धित संघ संस्थाबाट नै जग्गाको व्यवस्था गर्नु पर्ने छ ।
- वर्गिकरण तथा प्रशोधन पश्चात् बाँकी रहेको फोहर नेपाल सरकारले व्यवस्था गरिएको ल्याण्ड फिल्ड साइटमा अन्तिम विसर्जन गर्नु पर्ने छ ।
- प्राप्त प्रस्तावहरु स्वीकृत गर्ने, नगर्ने आँशिक रुपमा स्वीकृत गर्ने वा रद्द गर्ने सम्पूर्ण अधिकार यस कार्यालयमा सुरक्षित रहने छ ।



कीर्तिपुर नगरपालिका कार्यालय

कीर्तिपुर, देवढोका

फोन नं. ४३३१६८३